

婁縣續志卷六

民賦志

吾邑田賦自雍乾以來迭奉

恩旨蠲免浮糧前志已恭紀矣越今九十餘載蠲緩之

詔史不勝書同治四年復荷

聖恩裁減賦額仰見我

國家

列聖相承軫念民艱至深且厚矣用將戶口田賦重加

編輯而以

恩蠲詔旨恭錄於篇民生其間有不歌詠

皇仁者乎志田賦

婁縣續志

卷六

民賦

一

戶口

前志所載乾隆四十六七八等年三通館飭取戶口確

數查明滋生人丁二千三百三丁 欽遵

恩詔永不加賦見在婁縣通計歷年丁數增減相除實

共男婦大小人丁二十四萬八千八百七十一丁口

內男丁一十三萬八千七百一十九丁婦女一十一

萬一百五十二口自乾隆四十九年以後至同治元

年以前中間滋生人丁兵燹後案卷被燬無可稽查

同治二年冊報查明實在通縣男婦大小人丁二十

六萬三千九百二十丁口同治四年全書所載實在

通共男丁一十五萬一千九百五十四丁內原額充

餉當差人丁三萬一百九十三丁節年滋生人丁共一十二萬一千七百五十六丁欽遵

恩詔永不加賦光緒二年冊報查明丁數增減相除實在通縣男婦大小人丁共二十七萬六千二百九十五丁口內男丁一十五萬八千二百六十四丁婦女一十一萬八千三十一口

### 田賦

婁縣初自華亭析建後又分置金山田數前後多寡不同錢糧亦頗即增損今據同治四年賦役全書為準條列綱目以綜其凡

### 田數

婁縣續志

卷六

民賦

一一

前志所載乾隆四十年新訂賦役全書開載實在有徵田山蕩 四千八百七十六頃五十六畝二分一釐七毫二絲二忽準熟田四千五百六十九頃四十畝三分七釐八毫二絲九忽自乾隆四十一年至六十年止以增抵坍外實陞增田蕩四十八頃九十一畝三分八毫一絲五忽折實田八頃二十五畝三分六釐九毫五絲二忽自嘉慶元年至十五年止以增抵坍外實豁田二十二頃三十九畝三分七釐八毫八絲九忽折實田七十六頃三十七畝九分八釐四毫自嘉慶十六年至道光十年止共陞增草蕩六頃七十六畝六分七釐八絲七忽折實田一頃一十二畝

七分七釐八毫四絲九忽自道光十一年至同治四年止以增抵蠲外實陞增草蕩四頃三十五畝二分九釐三毫一絲六忽折熟田三十七畝七分七釐五毫五絲三忽

以上實共田山蕩 四千九百一十四頃二十畝一分一釐五絲一忽准熟田四千五百二頃七十八畝三分一釐七毫八絲三忽

徵糧項下 上鄉熟田二千九百一十三頃九十四畝九釐五毫四絲三忽 又加科低薄田准熟田五頃二十七畝六分七釐六毫四絲三忽 又低薄田准熟田三十三頃七十七畝二釐一毫六絲八忽

又山准熟田二頃六十三畝四分四釐二毫五絲 又新荒田准熟田一十三頃七十六畝一分二釐八毫四絲二忽 又舊荒田准熟田一十頃九十六畝四分五毫 又得業蕩准熟田五頃七十七畝九分八釐九毫四絲五忽 又柴蕩准熟田二十三畝二分七毫 又水蕩水漚准熟田三十五頃三十七畝九分五釐四毫六絲三忽 中鄉熟田七百頃二十三畝五釐二毫六絲二忽 又低薄田准熟田一十五頃八十四畝三分九釐五毫七絲八忽 又新荒田准熟田二頃五十一畝二分七釐七毫一絲七忽 又舊荒田准熟田七頃四十一畝一分九毫三絲

六忽 又得業蕩准熟田四十三畝三分三釐五毫  
七絲六忽 又柴蕩准熟田七畝二分五釐二毫六  
絲三忽 又草蕩水漚田准熟田一頃七十四畝九  
分五釐三毫三絲三忽  
折糧項下 上鄉五錢折糧熟田七十八頃四十四  
畝六分四釐九毫九忽 又低薄田准熟田一十二  
畝九分一釐五毫二絲 又新荒田准熟田四畝六  
分三釐一毫六絲 又舊荒田准熟田五畝一分四  
釐九毫八絲 中鄉五錢折糧熟田二百一十八頃  
二十畝五分六釐六毫九絲五忽 五錢折糧草蕩  
准熟田四頃六十一畝三分七釐八毫五絲八忽

原折四錢今復五錢折糧熟田四百二十六頃四十  
七畝五釐二毫六絲五忽 又低薄田准熟田一頃  
一十三畝九分九釐五毫三絲 又山准熟田一畝  
七分 又新荒田准熟田五十五畝五分九釐二毫  
五絲 又舊荒田准熟田九十六畝七分二釐二毫  
又得業蕩准熟田一十七畝四分九釐二毫 又草  
蕩水漚准熟田一畝一分二絲 下鄉斥鹵不耗四  
錢折糧草蕩准熟田二十一頃一十六畝七釐一毫  
七絲九忽

賦數

上中下三鄉不等田共科平米一十五萬七千七百一

十三石八斗四升二合一勺四撮五粟除折糧外實  
徵糧平米一十三萬三千三百四十八石四升六合  
七勺三抄五撮二圭五粟額增本色米六萬二千五  
百五石九斗五升四合九勺內除坍荒義塚挖廢公  
佔蠲缺米二千三百三十九石六斗二升九勺乾隆  
二年改漕案內減徵米七百五十四石一斗九升九  
合六勺同治四年永減漕額米二萬一千八百八十  
二石八斗六升八合七勺外實徵米三萬七千五百  
二十九石二斗六升五合七勺遇閏減徵米五十石八升六合四勺額  
徵折色銀八萬七千五百八十五兩二分四釐內除  
原續報坍荒義塚挖廢公佔蠲缺銀一千三百二十

婁縣續志

卷六

民賦

五

六兩八錢八分八釐又減免浮糧白銀經費銀二萬  
九千一百九十三兩五錢二分七釐實徵銀五萬七  
千六十四兩六錢九釐隨正五分耗羨銀二千八百  
五十三兩二錢三分遇閏加徵正銀三百五十四兩五錢九分耗銀一十七兩七錢二分九釐

上鄉熟田每畝原科平米三斗六升五合遞減爲二  
斗二升四合六勺七抄一撮八圭七粟八粿九粒二  
黍四稷二糠二粃一粶四禾 中鄉熟田每畝原科  
平米三斗二升遞減爲二斗二升四合一勺九抄六  
撮九圭八粟一粿九稷六糠二粃六粶六禾 下鄉  
熟田每畝原科平米三斗遞減爲二斗二升四合一

勺二粿五粒七稷四糠三粃一粶二禾 加科低田  
以一畝四分準熟田一畝 低薄田以一畝五分準  
熟田一畝 新荒田以二畝準熟田一畝 舊荒田  
以三畝準熟田一畝 山以二畝準熟田一畝 得  
業蕩以二畝準熟田一畝 柴蕩以三畝準熟田一  
畝 草蕩水漚以六畝準熟田一畝

凡徵糧項下應平米一石派徵本色米四斗三升一  
合二勺六抄八撮八粟三粿一粒二黍七稷五糠一  
粃四粶三禾共米三萬六千三百二十六石八斗九  
升七合四勺 漕贈五米一升四合二勺七抄四撮  
三圭五粟六粿一粒六黍七稷六糠七粃七粶八禾

共米一千二百二石三斗六升八合三勺 科徵稅  
糧銀二錢五分七釐三絲一忽五纖三沙九塵九渺  
九埃八遂二巡共銀三萬四千二百七十四兩五錢  
八分九釐隨正五分耗羨銀一千七百一十三兩七  
錢二分九釐 漕贈十銀三分七釐一毫三絲七忽  
二微六沙八塵九渺一埃一遂七巡共銀四千九百  
五十二兩一錢七分四釐隨正五分耗羨銀二百四  
十七兩六錢九釐

凡折糧項下每五錢熟田應平米一石折徵稅糧銀  
四錢二分一釐六絲一忽九微八纖六沙七塵七埃  
五遂五巡共銀四千二百七兩四錢九分四釐隨正

五分耗羨銀二百一十兩三錢七分五釐 每原折  
四錢今復五錢熟田應平米一石折徵稅糧銀四錢  
二釐八毫九微五沙三塵九渺四漠共銀五千五百  
三十三兩八錢三分九釐隨正五分耗羨銀二百七  
十六兩六錢九分二釐 斥鹵存留四錢折糧田應  
平米一石折徵稅糧銀三錢三釐三絲九忽五微七  
沙二塵三渺九漠八埃七逡二巡共銀一百九十二  
兩三錢七分六釐隨正五分耗羨銀九兩六錢一分  
九釐

凡準熟田一畝派徵田畝銀六釐六絲九忽五微九  
沙七渺六漠六埃三逡共銀二千七百二十三兩九

錢六分三釐隨正五分耗羨銀一百三十六兩一錢  
九分八釐派徵徭里銀八釐九毫九絲二微二纖八  
沙六塵八渺五漠四埃四逡八巡九須共銀四千四  
十八兩一錢五釐隨正五分耗羨銀二百二兩四錢  
五釐攤徵人丁銀一釐二毫三絲七忽七微七纖一  
渺四漠五埃二逡三巡共銀五百五十七兩三錢四  
分一釐隨正五分耗羨銀二十七兩八錢六分七釐  
雜辦銀一毫三絲九忽五微六纖九沙二塵三渺四  
漠二埃八巡共銀六十二兩八錢四分五釐隨正五  
分耗羨銀三兩一錢四分二釐

本色起運欸項

蘇松糧道衙門漕糧正兌米一萬五千二百四石四  
斗九升二勺有閩一萬五千一百五十四石八斗九升一合三勺加四耗米六  
千七十八石六斗七升九勺有閩六千五百八十八石八斗三升一合四勺改  
兌米二千一百二十六石三斗九升四合二勺有閩二千  
一百二十五石三斗二升六合一勺加三耗米六百三十七石八斗一  
升九勺有閩六百三十七石四斗九升五勺漕贈五米一千二百二石  
三斗六升八合三勺有閩一千一百九十八石八斗二升七合一勺白糧正  
米三千一百一十五石隨運耗米九百三十四石五  
斗運船水手飯米二石二十四石二斗八升盤用白  
糙耗米六百二十三石春辦白糧耗米九百三十四  
石五斗

婁縣續志

卷六

民賦

八

各衛倉項下金松二所行月并江興月糧米一千二  
百一十石六斗九升一合三勺有閩一千二百一十七石二斗五合八勺  
江安糧道衙門揚州倉運軍月糧米七百七十一石  
一斗三升二合六勺遇閩減徵米七升五合六勺  
解給各標營兵糧項下白粳正耗春辦及陞科充餉  
共米四千三百四十三石四斗九升七合四勺有閩四千  
三百五十一石九升六合

本色存支欸項

恤孤口糧米一百二十二石九斗三升九合九勺閩月  
米一十石二斗四升四合二勺

折色起運欸項



布政司衙門起運地丁等項銀三萬九百八十七兩  
八錢三分隨正五分耗羨銀一千五百四十九兩三  
錢九分一釐閏月加徵銀一百三兩七錢九釐隨  
正五分耗羨銀五兩一錢八分五釐損  
腳銀一千三百八十一兩九錢四分二釐隨正五分  
耗羨銀六十九兩九分七釐漁課銀九十二兩六錢  
八分四釐隨正五分耗羨銀四兩六錢三分四釐門  
攤課鈔銀四百一十九兩一錢九分九釐耗羨銀二  
十兩九錢六分現因徵不足額暫徵十分中之六分  
俟徵有起色再請照額徵收

蘇松糧道衙門隨漕輕齎等項銀一萬二千二百三  
十五兩六錢五分三釐隨正五分耗羨銀六百一十

婁縣續志

卷六

民賦

九

一兩七錢八分二釐遇閏加徵銀一百五十四錢

兩五錢二分二釐減漕贈十銀一十一兩九錢五分九釐隨正五分耗羨銀五錢九分八釐白糧

經費銀七千四百六十六兩九錢一分隨正五分耗  
羨銀三百七十三兩三錢四分六釐

江安糧道衙門額撥漕項并鳳倉等項銀一千七百  
七十七兩一錢七釐隨正五分耗羨銀八十八兩八  
錢五分六釐遇閏加徵銀二分隨  
正五分耗羨銀一釐

兩浙鹽運司衙門水鄉鹽課銀一千九十四兩九錢  
四分四釐隨正五分耗羨銀五十四兩七錢四分七  
釐

折色存支欸項

官役俸工祭祀雜支等項銀二千一百二十兩二錢

二分三釐隨正五分耗羨銀一百六兩一分一釐閏月

銀一百一十一兩六錢七分四釐隨  
正五分耗羨銀五兩五錢八分四釐

俸工各款凡俸工每兩除坍塌荒銀一分二釐八毫三絲有奇工食遇閏按數增給

松江府知府員下俸銀三十五兩四錢二分二釐門子一名馬快二名步快三名阜隸三名轎傘扇夫三名庫子二名禁卒六名價每名工食銀六兩馬快每名草料銀一十兩八錢舖兵五名每名工食銀七兩二錢外舖舖兵二名每名工食銀二兩以上知府員下歲支俸工銀二百一十七兩二分二釐

董漕同知員下步快八名每名工食銀六兩歲支銀

婁縣續志

卷六

民賦

十

四十八兩

水利通判員下俸銀一十八兩二錢七分門子一名轎傘扇夫七名俱每名工食銀六兩以上水利通判名下歲支俸工銀六十六兩二錢七分

照磨員下俸銀三十一兩五錢二分門子一名阜隸四名馬夫一名俱每名工食銀六兩以上照磨員下歲支俸工銀六十七兩五錢二分

府學教授員下俸銀四十五兩門子三名每名工食銀七兩廩膳生員一十名每名廩糧銀四兩以上教授員下歲支俸工廩糧銀一百六兩六錢

知縣員下俸銀四十五兩門子二名阜隸十六名民

壯三十二名馬快八名轎傘扇夫七名庫子四名斗

級四名禁卒八名俱每名工食銀六兩

內阜隸奉裁四名抵給件

作工民壯每名器械銀二兩馬快每名草料銀一十

兩八錢舖兵二十一名每名工食銀七兩二錢修倉

刑具銀五兩以上知縣員下歲支俸工銀八百三十

七兩六錢

縣丞員下俸銀四十兩門子一名阜隸四名馬夫一

名俱每名工食銀六兩以上縣丞員下歲支俸工銀

七十六兩

主簿員下俸銀三十三兩一錢一分四釐門子一名

阜隸四名馬夫一名每名工食銀六兩以上主簿員

婁縣續志

卷六

民賦

十一

下歲支俸工銀六十九兩一錢一分四釐

典史員下俸銀三十一兩五錢二分門子一名阜隸

四名馬夫一名俱每名工食銀六兩以上典史員下

歲支俸工銀六十七兩五錢二分

小徵司巡檢員下俸銀三十一兩五錢二分阜隸二

名每名工食銀六兩弓兵四十名內十六名半工食

銀八兩二錢二十三名半工食銀四兩一錢以上小

徵司巡檢員下歲該俸工銀二百七十五兩一錢七

分

儒學教諭員下俸銀四十兩齋夫一名膳夫一名每

名工食銀一十二兩門子二名每名工食銀七兩二

錢廩膳生員六名每名廩糧銀四兩以上教諭員下  
歲支俸工廩糧銀一百二兩四錢

祭祀項下府縣學 文廟祭祀銀三十六兩七分七  
釐香燭銀一兩九錢三分閏月銀四分五釐常雩壇  
火神廟二兩一錢八分九釐社稷等五壇一十兩九  
錢四分七釐府學專祀十八廟九兩八錢五分二釐  
土地祠二兩一錢八分九釐厲壇三兩二錢八分四  
釐關帝祭品銀三十兩

雜支項下武場供應銀二兩二錢三分四釐鄉飲酒  
禮銀三兩七錢五分行香講書行賞紙筆銀五兩憲  
轎夫及府廳縣船工食銀五十兩六錢本府秋糧總

婁縣續志

卷六

民賦

十一

書紙張工食銀十兩本府刑具銀二兩二錢五分本  
府巡鹽民壯工食銀六十四兩八錢看守儒學祠廟  
門子工食銀一兩八錢習儀拜牌等項香燭庭燎銀  
五錢五分歲底新書銀一十五兩孤貧六十八名均  
給柴布銀八十七兩九錢五分三釐歲貢牌坊等銀  
一十二兩係通省均給六年統算週而復始會試舉  
人盤纏銀八兩七錢五分係照通省赴試舉人名數  
統算均派支給以上俱每兩除坍荒銀一  
分二釐八毫三絲有奇 布政司造  
冊紙張銀二十兩係門攤課鈔數內  
除解司項外編給  
雜稅項下牙稅銀現徵銀一百三十二兩五錢耗羨銀  
六兩六錢二分五釐典稅銀每典五兩現徵銀三十

兩耗羨銀一兩五錢俱逐年增減無定額 稅銀五錢耗羨銀二分五釐附牙稅項下徵收田房契稅銀每兩徵三分儘徵儘解無定額

蘆課項下徵解銀兩與前志同並無增減不具載

### 鹽課

松屬行鹽華亭婁二縣向合一地從前定額每年合共銷鹽三千四百七十四引除改從行銷一千九百九十五引實銷一千三百八十引然歷年俱未銷足所銷之鹽縣由引商自赴浙運司完課捆運到地發售自經兵燹商竈凋零戶口未復同治三年浙鹽憲左奏明將蘇松引鹽改行票運課釐並收一切事宜皆

### 婁縣續志

### 卷六

民賦

十三

由鹽局辦理同治八年奉

浙江

各憲

奏咨定案招復

引商具給認運華婁一地每年認銷鹽一千五十引每引計鹽四百所應完課銀仍係商人自赴浙運司衙門按引完納

### 蠲賑

### 國朝

列聖相承寬大之詔史不絕書前志所載詳矣茲不復贅謹從乾隆五十五年以後蠲免

諭旨恭錄於左

乾隆五十五年元旦奉

上諭朕賴

昊蒼眷佑既逾古稀欣開八秩幸得小康時懷大惕自  
乾隆十年以迄四十二年特布恩綸普免天下錢糧  
業經三次矣今歲屆朕八旬壽辰仰荷

天

祖貽庥率土稱慶以至梯航重譯祝嘏來庭從古史牒  
實所罕覩是宜廣宣湛澗敷錫兆民用叶崇禱以答  
嘉貺著將乾隆五十五年各直省應徵錢糧通行蠲免  
其如何按年輪蠲之處著大學士會同戶部卽速核  
奏遵行欽此

乾隆五十九年奉

上諭朕臨御天下五十九年仰蒙

婁縣續志

卷六

民賦

十四

昊蒼眷佑

列聖貽庥薄海昇平梯航向化重熙累洽惟日孜孜無  
時不以敬

天勤民爲念行慶施惠錫祐延禧普免漕糧二次地丁  
錢糧四次而偶遇水旱偏裨隨時蠲租賜復賑貸兼  
施不下帑金數千萬兩所以涵養生息子愛黎元至  
周且渥茲紹膺統緒明歲正屆六十年粵稽史冊前  
代帝王享國長久者未可多得卽有一二或係沖齡  
踐阼用能多歷年所朕則春秋二十有五始卽位誕  
膺大寶迄今八旬開四康強逢吉五代同堂景運增  
隆寰瀛寧謐享國之年幸周甲子壽祚延洪實爲古

今罕見之盛事此皆上蒙

昊貺駢蕃克膺備福朕於感荷之餘彌深兢業早經欽天監推算六十年元旦日食上元月食古來史傳所載有日食修德月食修刑之說固因

上天垂象理宜修省其實君人之道於德刑二事平日本宜刻深競勵亦何待日月薄蝕始懷寅戒之心應天以實不以文與其託諸空言寧若見諸行事之實修德莫大於愛民若覃敷恩澤加惠閭閻俾海宇子民共臻樂利則所謂修德孰大於是所有六十年各省應徵漕糧著再加恩普免一次其應如何分年輪免之處仍著該部核議具奏至以修刑而論則停免

婁縣續志

卷六

民賦

十五

勾到卽所以卹刑但赦非善政利於宵小而不利於善良昔人卽有此論明年係六十年國慶後歲丙辰爲嗣皇帝卽位元年俱應錫慶施仁矜卹刑獄若今年停勾則三年連緩莠民恃有寬政作奸犯科者無所儆畏轉非辟以止辟之意是以本年仍照舊勾到明年元旦著照五十一年之例不御殿不受朝賀是日午後向有諸王暨皇子皇孫等內庭家宴之例五十一年元旦日食復圓後曾經舉行明歲究係六十年週甲年分所有內庭家宴亦著一併停止舉行朕於是日亦不御禮服照每年例恭詣

奉先殿

堂子及

先師各等處行禮時御龍袍貂褂將屆日食時卽換常服以示寅恭而寓修省日月薄蝕躔度本屬有定數千百年後皆可推算而得所謂千歲之日至可坐而致但元旦上元適值日月虧蝕究爲

昊穹示儆之象幸

天恩垂佑適在明歲爲朕卽位週甲告成之年自應祇承無斁設在丙辰正月則爲嗣皇帝卽位之元於吉祥盛事轉爲未慊是卽日月薄蝕一事而上天之篤祐朕躬以貽我子孫萬年無疆之庥者至優至厚朕惟有益感

婁縣續志

卷六

民賦

十六

天恩倍深乾惕又明年乙卯爲朕臨御六十年本欲於萬壽節前由熱河回京受賀今春因中外臣工懇請舉行慶典適以上冬雪澤未獲優沾春間又復缺雨業經降旨宣諭今將明年慶典停止舉行若仍照庚戌年八旬之例於萬壽前回京則王公外藩以及大小臣工等必又再四懇請舉行慶典則似朕今春所降諭旨轉爲不誠是以明年仍定於熱河駐蹕過萬壽後再行回鑾俟至丙辰正月歸政嗣皇帝以符正月上日受終文祖之義彼時備儀授受盛典光昭嗣皇帝率領臣民以天下養介禧祝嘏慶洽敷天尤爲千古罕覩盛事實我大清億萬載無疆之福也將



此通諭知之欽此

乾隆五十九年奉

上諭前因六十年乙卯元旦日食上元月食雖薄蝕躔度可以預行推測所謂千歲日至可坐而致但稽古史傳所載遇有日食月食等事往往下詔求言以示修省朕思

上天垂象固宜戒愼而應天以實不以文與其託諸空言孰若施諸實政前已降旨普免天下應徵漕糧俾海宇子民共臻樂利今思各省尚有積年民欠及因災帶緩未完銀穀俱因按限徵輸者小民究因官欠未清未得遂其含哺之樂朕仰邀

婁縣續志

卷六

民賦

十七

昊眷在位六十年寰宇寧謐景運增隆丙辰年卽屆歸政今若於朕臨御之年覃敷恩賚俾小民積年欠項廓然一清得以戶慶盈寧共遊化宇所謂修德愛民孰大於是而修刑亦概於是矣以此上應垂象感召休和實屬吉祥盛事所有各省節年正耗民欠因災緩徵帶征銀穀著各督撫詳晰查明按照該省所屬之某州某縣實欠在民銀穀若干速行開單具奏到日降旨豁免並著先將此旨謄黃宣示俾鄉村鎮市咸使周知得以共沾實惠官吏胥役等無從影射侵冒以副朕子惠黎元敷錫延禧俾普天羣黎無一負欠者喜孰大於是該部卽遵諭行欽此

乾隆六十年奉

上諭朕臨御以來勤求民隱日有孜孜惟期藏富於民  
家給人足仰荷

昊蒼眷佑

列聖貽庥寰宇昇平重熙累洽行慶施惠閭澤頻加節經  
普免天下漕糧三次地丁錢糧肆次其餘遇有偏災  
隨時蠲賑不下千萬億兩近將各省積欠錢糧概行  
蠲免又復數千餘萬兩所以子惠元元休養生息者  
至周且渥今朕紀年慶符週甲丙辰元旦舉行歸政  
典禮爲嗣皇帝登極初元大廷授受篤祐延釐實爲  
曠古吉祥盛事允宜廣沛恩綸俾薄海羣黎共霑湛

婁縣續志

卷六

民賦

十八

愷本欲於新正傳位降旨但思二月間卽屆開徵之  
期恐遠省接奉稍遲卽將嘉慶元年各直省應徵地  
丁錢糧通行蠲免以示朕與嗣皇帝愛育閭閻同錫  
恩施至意其如何按年輪免之處該部查照向例核  
議具奏施行欽此

嘉慶四年奉

上諭現屆長至

圜丘大祀

高宗純皇帝

升配禮成後自應仰推

皇考恩慈用敷惠閭因思乾隆六十年以前各省積欠

緩征地丁耗羨及民欠籽種口糧漕糧銀兩並積欠  
緩征民借米穀草束等項現在應征者尚復不少著  
該部通行各省詳悉查明將以上各欸目乾隆六十  
年以前普行豁免俾寰宇羣黎同霑  
遺澤於乾隆年間逋欠銀米等項永免追呼用仰副  
皇考六十年來子惠元元至意卽將此二條八於  
升配恩詔欸內欽此

嘉慶十四年奉

恩詔從前各省徧災地方所有借給貧民籽種口糧牛  
具等項查明實係力不能完者著予豁免欽此

嘉慶二十三年奉

婁縣續志

卷六

民賦

十九

上諭嘉慶二十四年爲朕六旬正壽宜先蠲除積逋俾  
小民戶免追呼共享含哺之樂所有各省節年正耗  
民欠及因災緩征帶征銀數著各督撫詳晰查明按  
照該省所屬之某州某縣實欠在民銀穀若干速行  
開單具奏以次降旨豁免並著先將此旨謄黃宣示  
城鄉村鎮咸使聞知俾官吏胥役無從影射侵欺以  
期膏澤下究用副朕惠鮮懷保仁壽斯民至意該部  
卽遵諭行欽此

道光十五年奉

上諭朕寅承丕緒撫馭萬方旰食宵衣無日不以勤恤  
民依爲念十五年中劬農重穀減賦停徵疊沛恩綸

覃敷閭澤所願四海烝黎家給人足共享昇平之福  
因思各省民欠錢糧自嘉慶年間蠲免以後迄今又  
閱十餘年矣比歲以來仰蒙

慈佑慶協綏豐民氣和樂本年恭逢

聖母皇太后六旬萬壽欽惟

慈禧光被歡洽敷天允宜申錫無疆普蠲逋賦所有各  
省節年正耗民欠錢糧及因災緩征帶征銀穀並借  
給籽種口糧牛具及漕項蘆課學租襍稅等項卽著  
各該督撫將軍府尹等將道光十年以前實欠在民  
者詳悉查明按照該省所屬之某州某縣銀穀若干  
速行開單具奏候朕以次降旨全行豁免並著先將  
此旨謄黃宣示城鄉村鎮咸使聞知俾官吏胥役無  
從影射侵欺以期膏澤下究用副朕錫羨延  
釐普惠寰區至意該部卽遵諭行欽此

道光二十五年奉

上諭朕勤求民隱子惠元元自御極以來蠲賦緩征恩  
膏疊沛所願人安樂利戶裕蓋藏俾閭閻日臻康阜  
因念各省民欠錢糧自道光十五年降旨蠲免後計  
期已逾十稔本年恭逢

聖母皇太后七旬萬壽海寓乂安民物豐裕允宜推廣  
慈恩覃敷閭澤用昭錫類之仁所有各省節年正耗民  
欠錢糧及因災緩征帶征銀穀並借給籽種口糧牛

具及漕項蘆課學租襍稅等項著各該督撫將軍府尹等將道光二十年以前實欠在民者詳細查明該省所屬某州某縣銀穀若干速行開單具奏候朕降旨全行豁免並著先將此旨刊刻謄黃遍行曉諭務使城市村鄉咸喻朝廷德意毋使官吏胥役等延擱侵漁致滋弊竇期吾民休養生息孝悌力田比戶可封催科不優用副朕延

釐篤祐申錫無疆至意該部卽遵諭行欽此

咸豐元年奉

上諭朕寅承丕緒撫馭萬方敬念

列聖御極之初蠲免積逋覃敷閭澤俾人安樂利戶免

婁縣續志

卷六

民賦

二十一

追呼共享昇平之福誠以民爲邦本厚民生正所以培元氣也當茲建元肇始之時宜行體元長人之政自道十五年二十五年兩次欽奉

皇考宣宗成皇帝恩旨將二十年以前各省民欠錢糧盡予豁免後自二十一年迄今又屆十稔民間續有積欠允宜大沛恩綸期與薄海羣黎同躋仁壽所有各省節年民欠正耗錢糧及因災緩征帶征銀穀並借給籽種口糧牛具及漕項蘆課學租襍稅等項卽著各該督撫將軍府尹等將道光三十年以前實欠在民者詳細查明按照該省所屬之某州某縣銀穀若干速行開單具奏候朕以次降旨全行豁免並著

先將此旨刊刻謄黃徧行曉諭務使城市鄉村遐陬僻壤咸喻朝廷德意毋使官吏胥役等延擱侵漁致滋弊竇庶吾民休養生息慶洽綏豐用示朕先春布德以仰副

皇考三十年子惠元元申錫無疆至意該部卽遵諭行欽此

咸豐七年奉

上諭江蘇鎮江府城被賊竄踞時閱五載近經官軍攻克兵燹之餘瘡痍未復軫念民艱彌深憫惻蘇松常鎮太等府州屬地方亦因逼近賊氛凡捐餉辦團等事紳民踴躍從公不遺餘力現值地方肅清自應特

婁縣續志

卷六

民賦

二十一

沛恩施以蘇民困加恩著將丹徒縣咸豐八九十年闔境新賦全行豁免其鎮江府各屬及蘇松常太四府州屬咸豐六年以前民欠錢糧漕米等項並概予豁免該督撫卽刊刻謄黃徧行曉諭務使實惠均沾毋使吏胥舞弊用副朕子惠元元之至意欽此

恭錄咸豐十一年奉

上諭御史朱夢元奏請蠲免各省歷年積欠錢糧一摺著戶部議奏欽此

按經戶部議奏將咸豐元年以前各直省民欠錢糧概行豁免

以上豁免民欠所有婁縣歷次豁免地賦漕賦民欠

銀米因舊卷俱於兵燹時被燬數目無可稽查

恭錄同治二年五月二十四日內閣奉

上諭節據曾國藩李鴻章等奏報克復松江府及太倉州地方陳及該處百姓被賊殘虐爲數百年來所未有各廳州縣田畝拋荒著名市鎮悉成焦土雖窮鄉僻壤亦復人烟寥落連阡累陌一片荆榛居民間有子遺顛連窮困之狀有不能殫述者覽奏情形曷勝憫惻因思蘇松太三屬地方爲東南財賦之區繁庶甲於天下而賦額亦爲天下最重比諸他省有多至一二十倍者良由沿襲前代官田租額且自宋明兩代籍沒諸田皆據租籍收糧所致嘉靖中又令各州

婁縣續志

卷六

民賦

二十二

縣盡括境內官田民田分攤定額蘇松等屬田賦至此官田通額亦皆大有增加我朝順治年間卽經明奉

聖諭以故明仇怨地方加糧甚重我朝何可踵行飭由地方詳察具奏嗣於雍正乾隆年間疊奉恩旨以蘇松浮糧施恩議減將蘇州府額征銀蠲免三十萬兩松江府十五萬兩又江省糧額浮多之處加恩免征銀二十萬兩仰見我

祖宗軫念民艱至深且厚國家承平百餘年來海內殷富江蘇自乾隆年間辦理全漕者數十年固由民力之充亦見民心之厚及道光年間兩次大水以後各

州縣每歲荒歉加恩蠲減遂成年例嗣自每年征收之數內除官墊民欠率得正額之七八成或四五六成不等民力殆已難堪及至粵逆竄陷該省焚燒殺掠民盡倒懸幸自上年官軍克復松江本年克復太倉現方飭令統兵大臣等進取蘇州救吾民於水火而各地方經賊荼毒彫瘵至極若不將各該府州屬數百年來浮糧積弊仰體

列聖深仁厚澤痛加核減無論民力斷有不堪即使勉強減成輸納何以慰如傷之隱而施浩蕩之仁且令官紳胥吏徒營中飽尤爲弊之甚者亟宜用此時會痛加掃除所有蘇州松江太倉三府州屬糧額著兩

婁縣續志

卷六

民賦

二十四

江總督曾國藩江蘇巡撫李鴻章督飭司道設局分別查明各州縣情形折衷議減總期與舊額本輕毋庸議減之常州鎮江二屬通融該計著爲定額先自松太創行卽以此後開征之年爲始永遠遵行不准再有墊完民欠名目蘇州所屬俟肅清後一體辦理嗣後非大水旱成災實在荒歉者不准捏災請緩請蠲至蘇松漕弊尤莫如大小戶等名目紳戶把持州縣浮收種種弊竇皆出其中著卽永遠禁革所有一切辦理章程及應行裁革之浮收陋規包戶等積弊均著該督撫悉心妥籌詳細具奏務期上紓國用下恤民生變通盡利經久可行用副朝廷痼瘼在抱嘉



惠斯民至意欽此

恭錄同治四年十一月初五日奉

上諭戶部奏遵議江蘇減免漕糧章程數目一摺江蘇蘇松常鎮太五屬編征米二百二萬餘石原係彙同漕贈行月南恤局糧等欸一患征收自應如李鴻章等所奏無分起運留支一體並減至以科則之重輕地土之饒瘠爲減成之多寡辦理亦尙妥洽加恩着照所請所有蘇州府屬額編米豆八十七萬七千五百六十四石零着減三十二萬六千六百三十二石零松江府屬額編米四十二萬七千四百六十一石零着減十一萬六千五百四十四石零太倉州屬額

婁縣續志

卷六

民賦

二十五

編米豆十五萬三千四百三十三石零着減四萬二千八百七十七石零常州府屬額編米三十五萬五千九百八十石零着減三萬五千五百九十八石零鎮江府屬額編米二十一萬四千七百三十五石零着減二萬一千四百七十三石零統計原額編徵米豆二百二萬九千一百七十四石零共減米豆五四萬三千一百二十六石零仍應徵米豆一百四十八萬六千四十八石零着自本年爲始照減定數目徵收其各屬派減米豆數內尙有留爲沿海瘠區加減之數並着照章分別核派應減科則另行造報經此次派減後該督撫等務當督飭所屬認真徵解不

准再有官墊民欠名目非實在旱潦爲災不准請蠲請緩如有捏報災歉朦混呈報應卽着嚴叅懲辦其把持浮收等弊並着永遠革除以裕民生而重賦課該督撫卽刊刻謄黃徧行曉諭務使實惠均霑母任吏胥舞弊以副朝廷破格施恩至意另片奏請將江蘇省實徵數目明定章程等語江蘇省各屬浮收現在既經裁減着該督撫將各屬向辦徵收情形除應行酌留外各計核減浮收若干做照浙江章程勒爲成規分晰奏報以免影射浮勒之弊餘依議欽此

恭錄同治五年七月十八日奉

上諭前據李鴻章等奏查明蘇松等屬裁除浮收實數

婁縣續志

卷六

民賦

二十六

禁止大小戶名目當今降旨令該督等勒石遵行茲復據李鴻章等將減定徵漕餘耗折價各數查明具奏開單呈覽計蘇州府屬一廳九縣減定賦額應徵米五十五萬九百餘石共減去浮收米十九萬二千八百餘石減去浮收錢七十五萬三千五百餘串松江府屬一廳七縣減定賦額應徵米三十一萬九千餘石共減去浮收米十萬八千八百餘石減去浮收錢五十萬五千七百餘串常州府屬八縣減定賦額應徵米三十二萬三百餘石共減去浮收米七萬三千石零減去浮收錢二十一萬五千二百餘串太倉州並所屬三縣減定賦額應徵米十一萬五百餘石

太倉鎮洋二州縣共減去折價浮收錢九萬四千串  
零嘉定寶山二縣共減去折價浮收錢十萬七千六  
百餘串以上蘇松常太四府州屬共減去浮收米三  
十七萬四千六百餘石減去浮收錢一百六十七萬  
六千二百餘串又蘇松常鎮太四府一州所屬各廳  
縣共額徵銀二百十五萬兩零折收錢文除鎮江府  
屬未定外蘇松常太四府州屬共減去浮收錢四十  
萬餘串該署督等卽將減去浮收實數欽遵勒石永  
遠奉行至鎮江府屬四縣減定賦額應徵米十九萬  
三千二百餘石共減去浮收數目若干著該署督等  
於啟徵時再行酌核奏明辦理餘著照所議辦理該

部知道單併發欽此

附錄曾國藩李鴻章奏畧 窃惟大學理財之道於  
天下必曰平周官土均掌土地之征必日均今天下  
之不平不均者莫如松蘇太之浮賦上溯之比元多  
三倍比宋多七倍旁征上則比毘連之常州多三倍  
比同省之鎮江等府多四五倍比他省多一二十倍  
不等以肥磽而論則江蘇一熟不如湖廣江西之再  
熟以廣狹而論則二百四十弓爲畝有縮無盈不如  
他省或以三百六十弓五百四十弓爲畝而賦額獨  
重者則由於沿襲前代官田租額也夫官田亦未嘗  
無例矣伏查

大清戶律官田起科每畝五升三合五勺民田每畝三升三合五勺重租田每畝八升五合五勺沒官田每畝一斗二升是官田亦有通額獨江蘇則不然考宋紹熙中朱子行經界法吳糧每畝五升耳厥後籍蔡京韓侂胄等莊爲官田又賈似道廣買爲公田元代續加官田明祖平張士誠又沒入諸豪族田皆據租籍收糧宣德中巡撫周忱知府況鍾奏減蘇松糧百萬石疏中稱蘇府秋糧二百七十餘萬石內民糧止有十五萬餘石餘皆官糧是二者未嘗合併官糧自七斗六升民糧自五升嘉靖中令各州縣盡括境內官民田裒益之分攤定額長州縣官田最多故額最

重他縣他郡官田遞少故額遞輕今長洲等縣每畝科平米三斗七升以次不等折入秬米多者幾及二斗少者一斗五六升遠過乎例載官田之數此蘇松太賦重之源流也蘇州府志稱明臣忱奏令輸布一匹準米一石輸銀一兩準米四石又稱課吏以催科六七分爲上考終明之世號徵至七八分者國朝康熙雍正中奏准江蘇漕米折徵每石銀一兩其時銀價每兩易錢七八百文以此觀之前明及國初賦額雖重大都逋欠準折有名無實而已嗣是承平百餘年海內殷富爲曠古所罕有江蘇尤東南大都會萬商百貨駢闐充溢甲於寰區當是時雖擔負

之夫蔬果之傭亦得以轉移執事分其餘潤無論自種佃種皆以餘力業田不關仰給之需遂無不完之稅故乾隆中年以後辦全漕者數十年無他民富故也惟是至道光癸未大水元氣頓耗商利減而農利從之於是民漸自富而之貧然猶勉強支吾者十年迨癸未大水而後始無歲不荒無縣不緩以

國家蠲減曠典遂爲年例夫癸未以前一二十年而一歉癸未以後則無災此三十年中督撫司道更數十人之多豈無一二不肯黨同欺妄之人而且

聖主不加斥戶部不加駁廷臣科道不加糾此又何理也誠以賦重民窮有不能支持之勢部臣職在守法

自宜一切不問堅持不減之名疆臣職在安民實因萬不得已爲此暗減之術始行之者爲前督臣陶澍前撫臣林則徐皆一代名臣推其意必謂減額則永不能加災緩則後不爲例原冀民氣漸蘇無難復舊初不意年復一年且年甚一年而不可返也臣竊惟前辦全漕之時間遇水旱辦成災者一辦帶徵者九帶徵之後依然全漕故以一年計爲減成以十年計非減成也今則年年辦災永無帶徵之日乃真減成也又官墊民欠一欸道光之初數僅分釐癸巳以後尋至一二成夫所謂墊者豈州縣之果能墊哉不過移雜墊正移緩墊急移新墊舊移銀墊米以官中之

錢完官中之糧將來或豁或免攤賠同歸無著猶之未完也故歷年糧冊必除去墊欠虛數方得徵實數以虛數民固未嘗完也伏查蘇屬全漕一百六十萬厥後積漸減損蓋自道光中年始於今三十年矣禮曰以三十之通制國用言綜乎三十年之大凡斯以後可知也今試以道光十一年起至咸豐十年止三十年中運數分計之辛卯以後十年共數一千三百餘萬內除官墊民欠得正額之七八成辛丑以後十年共數九百餘萬內除官墊民欠得正額之五六成咸豐辛亥以後十年共數千百餘萬內除官墊民欠得正額之四成而已自粵逆竄陷蘇常焚燒殺掠之

慘遠接宋建炎四年庚戌金兀朮故事蓋七百有三十年無此大劫臣親歷新復各州縣向時著名市鎮全成焦土孔道左右蹂躪尤甚又各賊不能相統此賊所踞難免彼賊劫掠故賊境卽不與官兵交界亦皆連阡累陌一片荆榛凡田一年不耕便爲荒田今已三年矣各廳縣冊報拋荒者居三分之二雖窮鄉僻壤亦復人煙寥落間有頽垣斷井之旁遇有饑民無不鵠面鳩形奄奄待斃傷心慘目之狀實非鄭俠流民圖可比已復之松太如此未復之蘇州可知而復責以重賦責以數倍他處之重賦向來暴斂橫征之吏所謂敲骨吸髓者至此而亦無骨可敲無髓可

吸矣

皇上視民如傷未傷者猶且如傷況已傷而傷又至重者乎斯卽據情籲請全行蠲免三五年在

皇上如天之仁必蒙

俞允惟是

天庾正供停運三年軍精浩繁度支仰屋其何以濟臣等所不敢出此也又荒田召種有順治年間各省屯田之例可援然懇熟旣遠陞科更遲現報荒田三分之二已荒者議蠲未荒者議減所存僅止一二成亦臣等所不敢出此也至於辦災例案自七八成而五六成而四五成咸豐三年間聞警拋荒僅止三成若

婁縣續志

卷六

民賦

三十一

稍存苟且彌縫之見援拋荒之案減而又減約得二三成非不可以塞責但前督撫臣之所以爲此者尙或冀其復舊今則明知無復舊之望而狃於積習不以直陳是全無爲國之心徒有罔上之咎又臣等所不敢出此也臣等細核歷年糧數咸豐十年中百萬以上者僅一年八十萬以上者六年而皆有官墊民欠十餘萬在其中是最多之年民實完數不過九千萬成案如是民力如是積弊之後大難之餘催科一事棘手尤倍臣等蒿目艱難悉心籌畫上體

宵旰憂民之切下維軍國待用之殷於萬難偏重之中求兩不相妨之道似宜用以與爲取以捐爲益之一

法比較歷來徵收各數酌近十年之通改定賦額不許捏災不許挪墊於虛額則大減於實徵則無減窮變通久於此時爲正辦或者謂據此定額未免過少不知減餘之數仍通省莫重之數尙非宋元舊額不得爲少且不自今始也咸豐十年以前歷年如是未嘗於歷年國用有減也彼時完善之江蘇僅有此數卽殘破之江蘇不應仍有此數今臣等於殘破之餘議照完善之時定額且不援近年最少之數臣等今日之所辦方將借減賦之名爲足賦之實所以能照完善之時定額者其機括全在減賦二字中也何以言之辦災辦緩權在胥役減額既定胥役無權民間

旣沾實惠公家亦有實濟是爲轉移之善術一也吳民死亡之外大半散之四方故鄉賦重望而生畏尋常蠲緩不足去重賦之名招之不來荒田日久愈多何法以治之惟聞減賦之令必當爭先復里是爲勞來之善術一也往者諸城被陷官吏一空鄉團抵死拒敵小股賊匪見輒却走卽以三首縣言洞庭香山金市各鄉有相持至七八月之久者固由

朝廷恩澤之至深亦徵愚夫天良之未泯此時減賦令下彼見

皇上於經費匱乏時尚有此度越尋常之舉有不感生望外踴躍輸將者乎是又激勸之善術一也大抵以



事理而論殘破之視完善必應遞減而有此三者可以彌補此遞減之數則又以事理決之臣等所謂以與爲取以損爲益者此也現在蘇郡尙陷賊中聞各鄉多爲暗團之約待時而動以應大兵卽如常熟反正鄉民燬賊卡殺賊目者凡十餘處崑山克復沿河居民截殺竄賊無數是其明證一聞減賦之令必當感激涕零望風增氣他日軍麾所指弩矢之驅必當奮箠壺之逐又未始非固結招徠之一法仰惟列祖

列宗當東南全盛之時猶復

軫念民依至深且厚況今日之兵燹子遺流離瑣尾至

婁縣續志

卷六

民賦

三十三

於此極也乎漕糧爲惟正之供而蘇松獨曰浮糧曰浮賦見諸

列聖諭旨及郡縣志不以爲嫌是知實有浮多應減之處留以待我

皇太后

皇上行之者也惟有籲懇

聖慈鑒察特沛

殊恩俯准減定蘇松太三屬糧額由臣等督飭司道設局分別查明各州縣情形以咸豐中較多之七年爲准折中定數總期與舊額本輕無庸議減之常鎮兩屬通融核計仍得每年起運交倉漕白正耗米一百

萬石以下九十餘萬石以上著爲定額卽以此後開徵之年爲始永遠遵行不准更有官墊民欠名目似此核實辦理不特酌十年二十年之通相較固無所絀卽酌三十年之通相去亦不甚遠下延億萬垂盡之生上繼

累朝未竟之惠民生幸甚國計幸甚

案原奏稱常鎮二府原額本輕無庸議減嗣經部議以爲不得其平奏定蘇松太三屬按原額減三分之一常鎮二屬按原額減十分之一署總督李鴻章署巡撫劉郇膏奏遵擬分別遞減普減章程疏畧 伏查蘇松等屬賦額與浙省杭嘉等府同形繁重而欵項

婁縣續志

卷六

民賦

三十四

各有不同浙省杭嘉湖三屬編徵漕白改漕多係起運甯紹等屬編徵南米盡屬留支今減賦案內祇減杭嘉湖三屬本皆起運之漕糧無庸議及留支之南米界限自清不致牽混惟蘇松常鎮太五屬歲額編徵米二百二萬餘石係彙同漕行月南卹局糧一串徵收分欵解支卽民間升斗之糧亦復漕南畢具並非按欵按屬分徵現辦減漕自應一例普減前奉部議奏准蘇松太三屬三分減一常鎮二屬十分減一雖未指明南米並減與否然漕南斷難分別必須一同按照徵數派減現在應清遵照例案無分起運留支米欵一體驗派扣減其減缺白糧米石攸關

天庾玉粒照例仍於漕糧項下按數撥足起運兵糧卹孤局糧等欸均係計口授食要需難以短缺亦應籌欸撥補其額撥江安糧道漕項行月米石各就本欸核減毋庸於南米內統行扣減以免膠轕至蘇松太三屬極重浮糧必得大加核減俾紓積困上中各則亦分別遞減使減存米數輕重悉稱賦額各得其平其沿海之區與腹裏各屬肥瘠懸殊又不可不量予優減仍不減五升之下之輕則以示區別亦不逾三分減一之範圍以示限制此外如常鎮二屬一律普減同清理田糧責成各屬妥速查辦賦役全書現應四屆並修一切善後事宜均經臣等會督現署蘇藩

婁縣續志

卷六

民賦

三十五

司郭柏蔭糧道奇克坦泰暨減賦局員詳稽冊檔博採輿情酌核定議謹開列辦理章程及派減米數清單恭呈

御覽仰懇

天恩迅賜明降

諭旨准予施行

附蘇松太三屬永減漕額分別輕重按則遞減章程一極重浮糧應大加核減也查蘇屬吳縣有四斗二升五合六勺零一則元和縣有三斗一升四合五勺零二斗九合七勺零二則常州有三斗一升四合二勺零一則實爲通省極重之浮糧惟統計其地不過

四畝有餘額徵米豆不及二石是雖破格優減與大局並無關礙擬將以上四則不計分數概減爲一斗一升起科俾免編重爲累

一上中各則應逐細遞減也自減賦令下當經博採紳耆互相參酌或謂減免分數尙須請益或謂不分輕重均派爲宜議論孔多不勝枚舉查蘇松太漕額減去三分之一已奉戶部核議奏准豈能再事瀆請至均攤普減辦法非不簡易第各屬徵糧科則自一斗九升六合五勺零起至九勺零止共有二百餘等由重及輕相遠奚啻百倍若不問孰輕孰重有浮無浮率以均派爲惠是將有限之減分濫及於不浮之

輕則轉致積重賦額浥注無資雖減不多重者仍重將來民困未得全紓輸將難期踴躍於國計民生兩無裨益臣等反覆推求折衷一是擬將一斗九升六合五勺零至一斗六升二合六勺零止共十一則遞減至一斗以外一斗一升以內又將一斗五升七合二勺零至一斗四合七勺零止五十則遞減至九升以外一斗四合零至九升二合八勺零止十八則遞減至八升以外九升二合一勺零至七升八合零止二十四則遞減至七升以外七升七合三勺零至六升六合六勺零止二十二則遞減至六升以外六升六合零至五升一合五勺零止三十則遞減至五升

以外五升一合三勺零至五升三勺零止三則遞減至四升以外與賦則本輕概不議減之五升以下各則原科在四升九合七勺零以下遞排均勻不敢輕重倒置其松屬華婁等縣間有低薄加科等項田蕩每一畝四五分或二三畝準熟田一畝者仍照折實熟田科則一體核減似此確按等差逐細遞減度浮糧可以全除民困可以頓釋而減免總數亦與部議三分之一核計相符度足以昭平允而垂久遠

一減存米數應輕重悉稱也查五升以下定爲下則概不准減固無論矣卽上中賦額仍有一百二十餘則其中科則遞輕減數自應遞少第重輕密如鱗次相去每至數勺勾稽稍不精詳則將來實徵米數重則因減多而已適於輕輕則因減少而轉形其重一經比較立見參差殊不足以昭平允現在不厭煩瑣各按等次逐層遞減務使減贖實徵米數權衡輕重不爽纖毫以免偏枯而臻平準

一沿海田賦應量予優減也查蘇省常熟昭文華亭奉賢金山上海南匯川沙太倉鎮洋等廳州縣各有沿海區圖地土類多瘠薄或栽花麥或種雜糧計其一歲之所收較諸各屬腹裏稻田不及十之六七且米非上產採買交倉又復暗多折耗民力實覺難支現在查辦減賦自應格外體卹擬將前項沿海田地

額徵漕糧除彙同腹裏田賦通盤按則遞減外所有減贖實徵數內無分上則中則惟就收成最爲瘠薄及稍次再次優予酌加減數以示平允內太鎮二州縣再予核減十分之五釐常昭奉上南川六廳縣再予核減十分之四釐華金二縣再減二釐用紓民力至寶山縣境內亦有沿海之區但核縣科則最重者不過二升七合一勺本在五升以下輕則不減之例應毋庸議其太鎮常昭等處沿海科則如在五升以下者亦仍不減以示區別

一起存米欵應一體並減也查各屬額編本色起運項下有漕白正耗贈五之別存留項下有南糧行月

局卹之分而徵之於民向止一條鞭徵所給單串祇列每戶應完總數不分起存由來已久此次乞減浮糧摺內係專就歷年起運漕糧計數比較不及臚列細欵現奉部議奏准按照蘇松太額漕減去三分之一自應遵照將額編起存各欵一體驗派扣減以歸核實

一減缺白糧應撥足起運也查白糧爲

天庾玉粒舊有二十餘萬石乾隆年間改漕十二萬石並減白糧經費實徵米一十二萬九千七百八十石零內除給丁餘耗及盤用耗水脚食米春辦耗等欵河運之年分別支給海運案內均歸節省糴變外實

計起運白糧正耗七萬二千六石零定例凡遇坍減  
田地不蠲白糧卽奉

特恩蠲免或因災蠲緩核見確數後亦仍照額撥補此  
次永減浮糧核出白糧應蠲若干應循案統歸漕糧  
正耗贈五米內分別扣減所有白糧正耗仍照額撥  
足並按年起運交倉以重正供

一南卹局糧應籌補濟支也查各屬隨漕徵收南米  
爲通省各標營及江甯省倉協壽二標兵糧之用卹  
米一欸專爲養濟院孤貧支給局糧一欸解於蘇織  
造機匠口糧均係計授要需遇有災缺向皆奏截漕  
糧藉資支放自軍興以來始議折價放給將徵下南

糧飭屬糴變易銀解司以兩抵石分別派支取糴價  
之盈餘補米欸之不足咸豐十年以後或於節省漕  
費及司庫正雜項下湊支間亦借動關稅或竟撥不  
足數隨時酌量辦理無非權宜敷衍之計未可視爲  
常經此次減免浮糧蠲缺南卹等米照例本應以漕  
改南俾免逐年籌補惟倉儲亦宜兼顧未便輕議更  
張擬請以各屬隨漕徵收之腳費錢文通融撥以濟  
支放

一江道行月應就欸扣減也查蘇省各屬編徵江安  
糧道衙門額撥漕項行月米欸賦役全書載明係於  
南米內撥出如遇被災將應蠲之米於南米項下統

扣其額撥米石仍照額撥解等因歷經循照辦理現奉

恩旨永減漕額蘇松太居三分之一常鎮十分之一一起存米欸一體並減在南糧減缺之數已須籌欸撥補若再代扣減缺江道米欸不特缺數愈多籌補更形艱鉅且查前項米欸同蘇糧道行月等米本係給丁濟運隨漕徵收今漕糧既經議減此項米石亦應一體按照應減分數各就本欸分註扣減將減贖實徵米石按年照數酌提分別抵充運費所有江糧道額撥米欸應請變通辦理就欸核減毋庸於南米內扣蠲以免鞅轆

一清釐田糧應由屬妥辦也查蘇省各屬徧遭兵燹田地大半拋荒業佃復多轉徙頃畝科則難期有條不紊前因兵興以後官之冊檔民之契券多有毀失各屬賦額無稽若按縣按畝丈量不特曠日持久糜費滋多且恐辦理稍有未周卽致別滋蔽混是以由蘇州紳士前赴川督董先試一隅因田數未能悉符原額業經議請停辦仍以旁求冊券根詢業佃爲主如有界址不清必須查丈之處由本地紳董督同業佃自行清理在案現在辦理減賦所有各屬頃畝科則悉照賦役全書開載核辦毋庸另議清丈至各廳州縣如有單冊俱無田糧鞅轆必須丈量之處應由



各屬善後清糧案內自行查辦以歸簡便

恭錄同治十一年九月十八日欽奉

恩詔奉

天承運

皇帝詔曰朕維圖開紫極坤順與乾健同功曜合丹宸  
月恆與日升並著粵稽往牒備溯前型瞻戴星軒表  
度於煌規娥矩弼成風化徵祥於姒幄娥臺惟嘉德  
之劬勩教行壺掖斯休和之翔被頌浹家邦朕敬紹  
丕基誕膺景運茲者

慈安皇太后

慈禧皇太后特遴賢淑俾正宮廷欽遵

婁縣續志

卷六

民賦

四十一

懿旨謹昭告

天

地

宗廟於同治十一年九月十四日冊立翰林院侍講崇  
綺之女阿魯特氏爲皇后同勤尊養趨

萱殿而祝蕃釐勉嗣徽音式椒闈而敷內政慶成嘉禮

覃洽恩施所有事宜開列於左

一各直省民欠錢糧由戶部酌覈奏請豁免同治六  
年以前民欠婁縣共豁同治三年起至六年止民欠  
漕項等銀一萬二千九百四十八兩一錢八分九釐  
又民欠米七千六百六十五石八斗九升九合九勺

恭錄光緒元年三月初一日內閣奉

上諭朕寅承丕緒撫馭萬方敬念

列聖御極之初蠲免積逋覃敷閭澤誠以民爲邦本厚  
民生正所以培元氣也允宜祇遵

成憲特沛恩綸所有各直省民欠錢糧卽著戶部酌核  
奏請蠲免用示子惠元元至意欽此經戶部奏准豁  
免同治十年以前民欠婁縣共豁同治七年起至十  
年止民欠漕項等銀一萬八千四百十八兩九錢二  
分三厘又米五千四百二十石三斗一升一合二勺  
乾隆四十九年奉

恩旨免江蘇藩司所屬未完地丁漕項等欸

婁縣續志

卷六

民賦

四十二

乾隆五十五年奉

恩旨普免錢糧

乾隆五十九年水災歉收奉

旨銀米俱緩作兩年帶徵

乾隆六十年大饑奉

旨免節年民欠及因災帶徵銀米

嘉慶元年奉

恩旨普免漕糧

嘉慶三年災奉

旨緩徵漕米錢糧

嘉慶五年奉

恩旨豁免民欠口糧

嘉慶十年災奉

旨緩徵漕米錢糧

嘉慶十九年旱奉

旨緩徵災田地丁錢糧并漕項漕糧銀米有差

道光十五年奉

旨免十年以前民欠地丁錢糧

道光二十五年奉

旨免二十年以前民欠地丁錢糧

咸豐元年奉

旨免道光三十年以前民欠地丁錢糧

婁縣續志

卷六

民賦

四十三

咸豐五年奉

旨免三四兩年漕米及地丁錢糧並各項雜稅本年應徵漕米蠲免三成地丁錢糧亦如之餘並緩至六年作兩年帶徵

咸豐六年奉

旨免地漕銀米三成緩徵二成五年以前民欠悉免之

咸豐七年奉

旨免蘇常松太四府州屬元年至六年民欠漕米錢糧本年地丁錢糧免一成緩二成八年九年地丁等項概免一成

咸豐十一年奉

旨免江蘇安徽浙江三省明歲錢糧

同治元年奉

旨免咸豐七年至九年民欠地丁錢糧又十一年以前民欠地漕暨各項雜稅咸免之

同治三年奉

旨免元年二年地丁漕項及各項雜稅并二年以前蠲贖緩徵正雜錢糧漕米是年又經戶部奏請將江蘇安徽兩省道光三十年以前豁免積欠錢糧因造冊未清往返駁查延年末題豁者一概免之又請并免蘇州藩司所屬道光十二年起至二十九年止未完雜稅正耗銀又請申明流抵之例

婁縣續志

卷六

民賦

四十四

同治四年奉

旨減蘇松常鎮太五府州屬浮糧婁縣計永減漕額米二萬一千八百八十二石八斗六升八合七勺又將本年地漕銀米各項分別蠲緩

同治十一年奉

旨免同治六年以前民欠錢糧婁縣共豁漕項等銀一萬二千九百四十八兩一錢八分九釐米七千六百六十五石八斗九升九合九勺

光緒元年奉

旨免同治十年以前民欠錢糧婁縣共豁漕項等銀一萬八千四百十八兩九錢二分三釐米五千四百二

十石三斗一升一合一勺

婁縣續志卷六終

婁縣續志

卷六

民賦

四十五